

Augsburg.



Ob er Schwabenlandt so vorzeiten auch Aethia genennet ist/ hat gar herrliche Stätte/ vnder denen seindt Augspurg vnd Costenz die vornembste/ deren die ein sich zu dem Bäterlandt/ die ander aber zu den Welschen/ oder Schweytern sich wendet. Jenige gleich wie sie jetzt anzierd vnd reichthumb gar namhafte: also ist sie auch ihrer erster auffwachsung haben/ ein gar alte festung des Römische Reichs gewesen/ Ist an den Fischreichen Wassern der Vertach vñ Lech/ da dieselbe zusammen fließen/ gelegen/ von den alten Schwaben/ so ihre herkompt von dem Zaphet genommen/ vnd dis ort erstlich bewonet haben/ wie die alten Historien bereugen/ erbauet. Dese Statt helet ein gut Politisch regiment/ daruon der wol erfarnere Artz Achilles Gassarus/ auff folgende weiß schreibt.

Augsburg die Statt ist fast wölich an Mawren/ thürnen/ pasteyen/ graben vnd allerhand geschütz/ oder Büchsen/ deren auch etliche grosse häwser voll seindt. Darzu treibt man da trefflich viel vnd groß handwerckliche handel/ sampt dem einigen vnd höchsten fürkauff/ gesellschaften genandt/ welche ihre handtierung weit vnd breit durch alle länder führen/ da durch dise Statt in kurzen jare in aller Welt bekant ist worden. Es trägt die Obigkeit diser Statt ein sonderliche sorg ober die armen. Dann zu dem/ das für die Kranken vnd Wäysen besonder Spital/ vnd ein fändelhaus vordnet sein/ haben auch zu gebürlicher zeit/ die so mit der pestilenz vergiftet oder mit den Frankosen angriffen werden/ ihre besonder wartung vnd freye behausung/ welche man das blater haus nennet/ wie auch die abgesonderte Leuth/ ihre feldsiechen häwser haben. Weiter wirt andern dürfftigen Leuthen groß hilff vnd stewart bewiesen/ Item viel geschickter Knaben zu der lehr innerhalb vñ außserhalb der Statt/ reichlich erzogen vnd erhalten. Es haben auch die Zugker Anno Christi 1519. die dürfftigen/ so doch der Statt verwand/ vnd ein erbaren wandels seind/ bey hundert häwser auß ihrem gut/ in S. Jacobs Vorstat gebawet/ welcher begriff/ die Zugker genant/ möcht wol einem stätlein verglichen weden. Item mit was billigkeit/ güte/ vorsichtigkeit vnd Bürgerlichem Regiment die Obigkeit hieder gemein/ fürstätt/ vnd wie gluckhafftig/ sinreich/ freuntlich vnd tugentlich die Bürger vnder einander/ vnd gegen den Fremden ihre handel führen/ auch bis in die weiteste Länder gegen den vier Winden der Welt gelegen/ wie ehlich sie ihre Kinder aufferziehen/ wie ein jeder den andern obertr effen wil in gezierden der Häwser vnd was darin gehört/ mag hie nicht gnugsamlich angezeigt werden. Es seind die inwöhner/ beuor aber die Weibsbilder/ von gestalt schön/ an kleidung prächtig/ mit essen vnd trincken köstlich/ im wandel vnd Worten brenghftisch/ in handlungen geschick/ an geberden außländisch/ vnd von wegen grosser reichthumb vil von sich haltend. Auß welchem die Gemein hefftig arbeitssam vnd dem gewinn obligend/ sich ihres glücks begnütget/ der kaufleuth aber etlich/ vnd ein gut anzahl von den Herrn/ haben sich lassen adeln/ vil seind gefreyet zu freyherrn stand/ vnd ein theil gar zu Grauen gemacht/ ja es haben auch darunder ein ganz Königreich in India in/ vnd das ichs mit ein wort sag/ ist je groß glück zugestanden einer Statt/ so ist Augspurg. Was grosser reichthumb in der Gemeinen schatzkammern behalten werde/ mag meniglich auß diesem mercken/ das ein Erfarnere Nacht/ ohn angesehen den grossen jährlichen lösten so auß vnderhaltung vnd besserung gemeiner Baw gewend wirt/ vnd item den ohn außsprechlichen löste/ der auff nechste Frießrüftung sich verlauffen/ zu erlangen ein freiden/ im nechsten Reichstag in barengeldt außgeben hatt/ dreymahl hundert tausent Rheimischer Gülden/ on beschwerung oder schatzung gemeiner Bürger schaff. Es wonet des Volcks so viel in diser Statt/ daß im nechst vergangnen jart/ nemlich Anno Christi 1549. do geboren seind vnd zum heyligen Tauff gebracht 1705. kinder/ vnd da gegen mit Todt abgangen/ ohn ein landsterbe/ vnd begraben 1279. Menschlicher Corper/ auß welchem des inwonenden Volcks mengebläufig mag abgenommen werden.